

**Naalakkersuisut pisortat pisiortorneranni inatsisitigut, teknikikkut aammalu niuernerpalaarneq eqqarsaatigalugu neqeroortitsinermi atorneqartartussamik inatsisissatut siunnersuummik saq-qummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsinermi pisiffissattoqqarneqarneranni sinaakkutissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiitaningaasaqarnerat tamakkii-nerusumik qanoq isiginiarneqartassanersut pillugit maleruagassiortoqarnissaa ilaatinneqasaaq.**

(Inatsisartunut ilaasortaq Naaja H. Nathanielsen, Inuit Ataqatigiit)

### **Akissuteqaat**

(Aningaasaqarnermut Nunamullu Namminermt Naalakkersuisoq)

### **Siullermeerneqarnera**

Namminersorlutik Oqartussani pisiortornermut tunngasut Naalakkersuisuniit eqqumaffiginiarneqarnerupput. Pisiortornermut qitiusumik ingerlatsivik Namminersorlutik Oqartussat isumaqatigiissutaannut suliariumannittussarsiuussinermullu sinaakkutissortussaataasooq, 2013-imi ataatsimik sulisoqartoq maannakkut pingasunik sulisoqalerpoq.

Namminersorlutik Oqartussat pisiortortarnerat pillugu kaajallaasitaq ulloq 24. september 2010-meersoq aqcutigalugu nalimmassarneqarpoq. Pisiortornermut qitiusumik ingerlatsivik kaajallaatitap taassuma nutarterneqarnissaanik suliaqarpoq. Sulinermi tassani isiginiarneqassapput:

- Susassaqarfinnut kaajallaatitami ilaatinneqanngitsunut, kisiannili ima aningaasartaqartigip-pata, allaat unammilleqatigiinnissaq anguniarlugu neqeroortitsiffiusariaqartunut, atatillugu pisiortornermi piumasaqaasiornissaq najoqqutassiornissarlu.
- Nioqqutissat amerlanerusut ilanngunneqarnissaat isumaliutigineqarpoq.
- Assigiimmik, ammasumik naapertuilluartumillu periuseqarnissaq pillugu EU-mut isumaqatigiis-sut naapertorlugu periutsinik tunngaviusunik qulakkeerinissaq.
- Suliariumannittussarsiuussinermi periutsit amerlanerusut aallaavigineqartassanersut isuma-liutigineqarpoq.

Naalakkersuisut ilanngullugu qulakkeerniarpaat ilinniartunik atuinerup nalilerneqarnissaanut periutsi-mik eqqussisoqarnissaa, inuusuttatsinnik ilinniartitsineq pilerinartunngortikkumallugu.

Naalakkersuisuniit aamma eqqumaffigineqarpoq najukkami suliffeqarfiit sapinngisamik pitsaanerpaa-mik akuutinneqarnissaat, naligiimmik pissusilersortarnissamut periutsit innarlinggikkaluarlugit. Neqeroortitsinerni aammalu pisortatigoortumik suliariumannittussarsiuussinerni soqutiginaateqartuni tamanut ammasumik ataatsimiititsisoqartassaaq, tassanilu suliffeqarfiit apeqquteqarnissaminnut periarfissinneqartassallutik.

Sinerissami pissutsit unammillernarsinnaasut aamma Naalakkersuisuniit eqqumaffigineqarput. Nunatta angissusaa aammalu illoqarfinni atukkat mianerisariaqartut siunissami isumaqatigiissusior-nermi ilanngullugit nalilersuiffigineqartassapput.

Suliariumannittussarsiuussinermut atatillugu maalaaruteqarfiusinnaasumik pilersitsinermi periarfissat aningaasartuutaasinnaasullu Naalakkersuisunit misissorneqassapput.

Naalackersuisunit anguniarneqarpoq akisussaassuseqartumik pisiortortuunissaq. Massakkorpiaq aki pissarsiarineqarsinnaasoq kisiat isiginiassanngilaq. Paarlattuanik piffissami sivilisunerusumi qanoq aningaasartuuteqartoqarnera ataatsimut isiginiarneqassaaq. Toqqaannanngitsumik aningaasartuutit inuiaqatigiinnik imaluunniit suliffeqarfinnik mingutsitsineq, sulinikkut ajortunik atugaqarneq, inatsisitigut sukannererusumik piumasaqarneq aamma pisortatigut ajortumik oqaluuserineqarneq aqutugalugu eqquisinnaasut ilanngullugit.

Pisiortornermut qitiusumik ingerlatsivik akisussaassuseqartumik pisiortortuussappat, tamatuma ilaatigut makku kingunerisariaqarpai:

- Pilersuisut pisortanut aningaasanik akiitsoqannginnissaannik piumasaqaateqarneq
- Pilersuisut inuiaqatigiinni akisussaaffimmik tiguseqataanissaat ikorfartussallugu, soorlu ilinniartunik ilinniartitsinikkut, timikkut piginnaasakitsunut tulluarsakkanik suliffissanik pilersitsinikkut, isumaginninnikkut mianerisariaqartunik peqataalersitsinikkut il.il.
- Pilersuisut avatangiisinik mianerinninnissaat tapersersorlugu.

Namminersorlutik Oqartussat nioqqutissanik kiffartuussinernillu pisiortornera killiffilersugaalluni ineriartortinneqarpoq. Naalackersuisut naliliipput, inatsisiliorneq massakkorpiaq aqutissaanngitsooq. Namminersorlutik Oqartussat kommunilluunniit inatsisitigut piumasaqaataasunik eqqortitsinissaminnut piareersimangillat.

Taamaammat Naalackersuisut massakkorpiaq naliliipput, piginnaalersitsinerit pitsaanerusumik atorneqarsinnaassasut kaajallaatitap maannakkut atortup nutarterneratigut taannalu piviusunngortillugu Namminersorlutik Oqartussat pisiortornerat Pisiortornermut Qitiusumik Ingerlatsivik aqutugalugu ataqatigiissinneratigut. Kaajallaasitaq pilersuisut assigiimmik pineqarnissaannut aamma tuniniaanermi pisiortorfinnik toqqaanermut ersarissunik atugassaqaqartitsinissamut qulakkeereqataavoq.

Tamanna tunngavigalugu Naalackersuisunit inassutigineqarpoq siunnersuut itigartinneqassasoq.

Taamatut oqaaseqarlunga Naalackersuisut sinnerlugit siunnersuutip Inatsisartuni suliarineqarnissaanut ingerlateqqippara.